



---

Komisija za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa

Na osnovu čl. 36. stav 2. i čl. 52. Poslovnika Općinskog vijeća Ilijaš («Službene novine Kantona Sarajevo», br.2/10 i 18/15), čl. 13. Pravilnika o procedurama i kriterijima za dodjelu priznanja Općine Ilijaš («Službene novine Kantona Sarajevo», broj 4/15), te čl. 17. Odluke o priznanjima Općine Ilijaš («Službene novine Kantona Sarajevo», broj 1/15), Komisija za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa Općinskog vijeća Ilijaš na 2. sjednici održanoj dana 08.02.2017. godine razmatrala je dostavljene prijedloge kandidata za dodjelu javnih priznanja Općine Ilijaš, te podnosi

### **IZVJEŠTAJ**

Komisija je konstatovala da je po zatvaranju Javnog poziva za dostavljanje prijedloga kandidata za dodjelu javnih priznanja Općine Ilijaš, broj:01/1-02-Sl./17 od 12.01.2017. godine pristiglo ukupno 15 (petnaest) prijava, od čega je 7 (sedam) kovertiranih i 8 (osam) ne kovertiranih. Svi prijedlozi su pristigli u ostavljenom roku i to kako slijedi:

1. Grupa građana naselja Bioča – predlaže Šehić Sahludin-Žutko za dodjelu Plakete
2. Mjesna zajednica Srednje – predlaže mr.sci.Demirović Nermin za dodjelu Plakete
3. Mjesna zajednica Dragoradi – predlaže mr.sci.Demirović Nermin za dodjelu priznanja
4. Mjesna zajednica Mrakovo – predlaže Strika Sejid za dodjelu priznanja
5. Kuglaški savez Federacije Bosne i Hercegovine – predlaže Kerla Bibija za dodjelu Plakete ili Nagrada-priznanje
6. Stranka demokratske akcije-Općinska organizacija Ilijaš – predlaže Alispahić Dževad za dodjelu Plakete; mr.sci.Demirović Nermin za dodjelu Plakete i JU Osnovna škola "Stari Ilijaš" za dodjelu Plakete
7. Jedinstvena organizacija boraca "Unija veterana" Kanton Sarajevo-Općina Ilijaš - predlaže Hajdarević Fehim i Đenana za dodjelu Nagrada-priznanje
8. J.U.Srednjoškolski centar "Nedžad Ibrišimović" Ilijaš – predlaže bračni par Hajdarević Fehim i Đenana za dodjelu Nagrada-priznanje
9. "Perzijsko-bosanaki koledž sa internatom" Lješevu bb – predlaže profesora Džanko Admir za dodjelu Plakete
10. Grupa roditelja djece koja pohađaju Muzičku školu i građana koji su upoznati sa radom i doprinosom na polju kulture – predlažu porodicu Hajdarević Fehim i Đenana za dodjelu Nagrada-priznanje
11. Mjesna zajednica Ljubnići – predlaže Kolektiv JU Osnovna škola "Stari Ilijaš" za dodjelu Plakete, kao i Alispahić Dževad i mr.sci.Demirović Nermin za dodjelu Plakete
12. Udruženje demobilisanih branilaca odbrambeno-oslobodilačkog rata 1992-1995 Općine Ilijaš – predlaže Sulejmanović Samir za dodjelu Povelje o proglašenju počasnim građaninom
13. Mjesna zajednica Ilijaš Stari – predlaže JU Osnovna škola "Stari Ilijaš" za dodjelu Plakete

14. Mjesna zajednica Luka – predlaže JU Osnovna škola "Stari Ilijaš" za dodjelu Plakete
15. Udruženju "Budi mi drug" Ilijaš – predlaže JU Osnovna škola "Stari Ilijaš" za dodjelu Plakete

Na 3. sjednici održanoj dana 13.02.2017. godine, Komisija je jednoglasno o svom radu dala mišljenje sa obrazloženjem o pojedinačnim prijedlozima i isto dostavlja Općinskom vijeću Ilijaš, shodno članu 13. Pravilnika o procedurama i kriterijima za dodjelu priznanja Općine Ilijaš, te članu 17. Odluke o priznanjima Općine Ilijaš.

### **1. Plaketa Općine Ilijaš – mr.sci. Demirović Nermin**

Demirović Nermin, rođen 19.03.1980. godine u Ljuboviji, R Srbija, državljanin BiH, sa prebivalištem u Sovrlama broj 21. Općina Ilijaš, oženjen, otac dvoje djece. Od 1986. godine do 1994. godine pohađao je osnovnu školu, a rat koji je bio u BiH je prekinuo njegovo osnovno obrazovanje koje je počeo u Bratuncu, te osnovno školovanje nastavlja u OŠ "Moša Pijade" u Banovićima. Početak srednjeg obrazovanja u periodu od 1994.-1998. godine započinje u Banovićima, a zvanje ekonomski tehničar dobiva 1998. godine u Mješovitoj srednjoj školi u Vogošći.

1998.godine upisuje Šumarski fakultet Univerziteta Sarajevo, te diplomira 15.07.2003. godina na nastavnom predmetu Fitopatologija i stiče zvanje dipl.inženjer šumarstva.

U 2015. godini postaje magistar šumarskih nauka na postdiplomskom studiju iz naučne oblasti Zaštita šuma na Šumarskom fakultetu Univerziteta u Sarajevo sa ostvarenim prosjekom tokom studiranja sa 9,5.

Prvo radno iskustvo stekao u šumarstvu angažovanjem na prikupljanju podataka taksacionog snimanja šuma u Srednjobosanskom Kantonu.

Od 2003.-2005. godine tehnolog za projektovanje u "Šumarstvo" d.o.o. Vareš. Ove poslove je obavljao kao samostalni projektant na izradi projekata za eksploataciju šume, izradi projekata za pošumljavanje i ostale uzgojne radove, učestvovao u izradi planova, projektovanju šumskih puteva i sl.

Od 2005-2007. godine šef Radne jedinice Uzgoj i zaštita šuma u PJ "Šumarija" Vareš JKŠPDZDK d.o.o Zavidovići. U sklopu ove RJ učestvovao je u realizaciji nekoliko eksperimentalnih projekata finansiranih od strane Federalnog ministarstva poljoprivrede, vodoprivrede i šumarstva i kantonalnog ministarstva.

Od 2007.-2008. godine šef odjeljenja za projektovanje u Varešu JKŠPDZDK d.o.o. Zavidovići.

Od 2008.-2010. godine rukovodilac PJ "Šumarija" Vareš JKŠPDZDK d.o.o. Zavidovići.

Od 2010.-2013. godine radio na funkciji izvršnog direktora oblasti za šumarstvo u KJP "Sarajevo-šume" d.o.o. Sarajevo u čijem se domenu nalaze dva sektora i nekoliko službi koje vrše poslove pripreme i izrade projektne dokumentacije, planova, tri šumske uprave i službe koje su direktno uključene u realizaciju planova i projekata kao cjelokupne realizacije plana koja se odnosi na fizički obim proizvodnje.

Od 08.01.2013. godine generalni je direktor KJP "Sarajevo-šume" d.o.o. Sarajevo. Obnašajući navedenu funkciju dao je izuzetan doprinos za privredni razvoj lokalne zajednice. U toku 2016. godine lično se zalagao za implementaciju velikog broja infrastrukturnih projekata, a neki od navedenih su:

- izgradnja puta Srednje-Sokolina;
- rekonstrukcija puta u Medojevićima;
- rekonstrukcija puta za naselje Ravne, puta prema Stomorinama, te mnogo makadamskih puteva;
- uređenje lokalnih izletišta, dječijih igrališta itd.

Od njegovog imenovanja na poziciju generalnog direktora KJP "Sarajevo-šume" d.o.o.

Sarajevo koje se bavi poslovima upravljanja i korištenja svim državnim šumama i šumskim zemljištima u administrativnim granicama Kantona Sarajevo, preduzeće je saniralo gubitak, a ukupne obaveze preduzeća smanjenje su za cca 4,5 mil.KM. Također i danas predstavlja preduzeće koje bilježi konstantan rast i razvoj.

Jedan je od pokretača projekta izgradnje cvijeta Srebrenice na lokalitetu Karašnica koji je od posebnog značaja na sjećanje počinjenog genocida u Srebrenici, Zvorniku, Vlasenici, Bratuncu, Prijedoru, Banja Luci i ostalim gradovima BiH.

## **2. Plaketa Općine Ilijaš – Alispahić Dževad**

Alispahić (Taib) Dževad, rođen 03.08.1970. godine u mjestu Milačevići, Općina Srebrenica, oženjen, otac troje djece. Po zanimanju, građevinski tehničar-niskogradnja. Pripadnik Armije RBiH na području Teočaka. Od 1998. godine nastanjen na području Općine Ilijaš, gdje započinje svoj politički i društveni angažman. Na njegov prijedlog 23.03.2004. godine pokreće se formiranje Savjeta Mjesne zajednice Ljubnići. Nakon realizovane inicijative, imenovan je za predsjednika iste. Na ovoj poziciji je četiri mandata. Jedanaestu godinu zaredom Savjet MZ Ljubnići i džemat Podlugovi pod pokroviteljstvom Općine Ilijaš organizuje manifestaciju "Dani sjećanja-SREBRENICA 11.juli 1995.godina" u cilju obilježavanja godišnjice genocida nad građanima BiH koj su u tom periodu živjeli u "Zaštićenoj zoni UN-a Srebrenica". Jedan je od pokretača i organizatora ove vrlo značajne manifestacije od 2005. godine. Manifestacija se iz godine u godinu obilježava kako na području MZ Ljubnići, tako i u Ilijašu, te u svim aktivnostima koje se organizuju u okviru iste daje nesebičan doprinos.

Jedan je od inicijatora za osnivanje Nogometnog kluba "Jedinstvo" - sportski kolektiv koji okuplja impozantan broj mladih, te je prvak u kantonalnoj ligi – grupa B.

Od 2007. godine do 2015. godine obnašao je funkciju predsjednika NK "Jedinstvo". Dobitnik je najvišeg klupskog priznanja "Povelja 2016".

Godine 2007. uložio je tužbu za korištenje zemljišta (9880 m2) u korist MZ Ljubnići i Općine Ilijaš, uz iznimno velike napore i istrajnost 2017. godine zvanično je 1/1 društvena svojina. Pokretač je mnogobrojnih infrastrukturnih projekata (putevi, kanalizacija, mostovi i sl.), kao i projekta kod Federalnog ministarstva prometa i komunikacija odobri građenje podvožnjaka u MZ Ljubnići, koji je jedini uređen na području Općine Ilijaš po evropskim standarima. Zajedno sa lokalnim vlasima 2010. godine dao je značajan doprinos u rješavanju problema oko zemljišta za mezarje.

Godine 2015. imenovan je u Inicijativni odbor za izgradnju džamije u Ljubničima.

## **3. Plaketa Općine Ilijaš – JU Osnovna škola "Stari Ilijaš"**

JU Osnovna škola "Stari Ilijaš" u Ilijašu je novoosnovana škola koja je počela sa radom 2014. godine. Škola u svom sastavu ima novosagrađenu zgradu-centralnu školu, područnu školu "Misoča" u Misoči, udaljenu 3 km od centralne škole, područnu školu "Malešići" u Malešićima, udaljenu 3 km od centralne škole i području školu "Bioča" u Bioči, udaljenu 4 km od centralne škole. U područnim školama nastavu pohađaju učenici nižih razreda u kombinovanim i redovnim odjeljenjima. Školu pohađa ukupno 521 učenik, a nastava je organizovana u 27 odjeljenja. Početak rada ove škole riješio je dugogodišnji problem prebukiranosti Osnovne škole "Hašim Spahi", te predstavlja jedan od najznačajnijih projekata realizovanih na području općine Ilijaš.

JU Osnovna škola "Stari Ilijaš" u svom radu pokazuje veliku ažuranost, te kontinuirano radi na poboljšanju uslova za odgoj i obrazovanje djece, a u prilog tome govore slijedeće realizovane aktivnosti:

- savremena oprema

Škola je opremljena savremenom opremom tako da učenici imaju odlične uslove za rad. U prethodnoj godini u školu je dopremljena nastavna oprema za kabinete i učionice u vrijednosti od 30.000,00 KM.

- produženi boravak

U školi je organizovan produženi boravak u kojem se obezbjeđuju uslovi za normalan boravak učenika u vremenu od 07:00 do 17:00 h (uključujući i vrijeme boravka na redovnoj nastavi) u toku 37 radnih sedmica, kao i odgoj i obrazovanje prema Osnovama programa odgojno-obrazovnog rada. U produženom boravku obezbjeđena je i redovna ishrana.

- sporazum o bratimljenju između JU Osnovna škola "Stari Ilijaš i Osnovne škole u Istanbulu "Bilge Soyak Ortaokulu"

Direktor škole Mahir Dević je u Istanbulu potpisao Sporazum o bratimljenju između JU Osnovna škola "Stari Ilijaš i Osnovne škole u Istanbulu "Bilge Soyak Ortaokulu".

Cilj navedenog Sporazuma je održati obrazovanje putem zajedničkih projekata i dijeljenja svojih tehnoloških dostignuća, bolje upoznavanje obrazovnih sistema, organizovanje posjeta, osnaživanje zajedničkih kulturnih vrijednosti, a primarni cilj je obezbjeđenje kvalitetnog obrazovanja, koje će dugoročno doprinijeti rastu i razvoju lokalne zajednice.

- stomatološka ordinacija

Škola posjeduje stomatološku ordinaciju koja je, pored učenika, na raspolaganju stanovništvu školskog područja Osnovne škole u Starom Ilijašu. Pored obrazovanja i stalnog napredovanja, veoma je važno usmjeriti djecu i na preventivnu brigu o zdravlju i higijeni zuba. JU Osnovna škola "Stari Ilijaš" jedna je od tri škole u Kantonu Sarajevo koja ima stomatološku ordinaciju.

- projekat elektronski dnevnik

JU Osnovna škola "Stari Ilijaš" je jedna od 10 osnovnih škola u Kantonu Sarajevo u kojem se implementira pilot projekat za vođenje odjeljene knjige u elektronskom obliku.

Ta činjenica ukazuje na to da ova ustanova posjeduje spremnost da iznese takve projekte kako kroz tehničku opremljenost, tako i kroz educiranost nastavnog kadra. Također, cilj je unapređenje odgojno-obrazovnog rada u školi, kao i osiguranje brže i bolje komunikacije na relaciji učenik-nastavnik-roditelj.

- humanitarna akcija Vijeća učenika

Kontinuirane humane akcije Vijeća učenika Osnovne škole "Stari Ilijaš" u više navrata ostvarile su saradnju sa Udruženjem "Budi mi drug" Ilijaš, kroz provođenje različitih aktivnosti, a unutar kojih se posebno ističe provedena akcija "Jedan slatkiš, jedan učenik". Od prikupljenih slatkiša Vijeće učenika napravilo je poklone za njihove drugove u Udruženju. Vijeće učenika podržava rad Udruženja kroz kupovinu čestitki, ali i kroz prisustvo kreativnoj radionici izrade istih.

- izgradnja lifta za učenika sa posebnim potrebama

Nastavno osoblje na čelu sa menadžmentom škole opredjeljeno je da na kvalitetan način uključi sve učenike u nastavni proces i zadovolji njihove obrazovne potrebe.

Kao dokaz tome je projekat izgradnje lifta koji je uspješno okončan u januaru 2017. godine. Zajednički cilj je sretno i zadovoljno dijete u sretnom okruženju. Na inicijativu direktora gospodina Mahira Devića pokrenuta je inicijativa da se za učenika VI razreda oboljelog od cerebralne paralize izgradi specijalni lift, kako njegov dolazak u školu ne bi bio drugačiji od dolaska njegovih drugara.

**NAPOMENA:** Komisija za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa, sa 4 glasa ZA i 1 UZDRŽANIM glasom (Ismet Džananović), predlaže općinskom načelniku da, shodno odredbama čl.16. Pravilnika o procedurama i kriterijima za dodjelu priznanja Općine Ilijaš, te čl. 20. Odluke o priznanjima Općine Ilijaš, donese Odluku o dodjeli Pohvale općine Ilijaš i uruči Pohvale za sve dostavljene prijedloge kandidata za dodjelu javnih priznanja Općine Ilijaš za 2016. godinu.

Shodno naprijed navedenom, Komisija za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa, predlaže Općinskom vijeću Ilijaš da na temelju Izvještaja, donese Odluku o dodjeli javnih priznanja općine Ilijaš za 2016. godinu.

S poštovanjem,

**Dostavljeno:**

1. Općinskom vijeću Ilijaš (x25) i
2. a/a.

Predsjednik Komisije

Šeherzada Salketić-Čosić

\*\*\*\*\*

Ul. 126. ilijaške brigade br. 6, 71380 Ilijaš  
Tel. ++387 33 580-620, 580-698, fax. 400-505,  
Transakcijski račun kod VAKUFSKE BANKE,d.d. Sarajevo:1602000000710645  
e-mail [ov@ilijas.ba](mailto:ov@ilijas.ba)  
Broj certifikata:209388

